

落歸根正指復命也復命之後又取外爐金水抽鉛添汞溫
養靈胎悟真謂外爐增減要施功參同謂候視加謹慎審察
調寒溫周旋十二節節盡更須親丰翁謂遇子午專行火候
逢卯酉沐浴金丹是也故曰重開有定期重開之物卽下文
西園花枝也鉛花現癸盡時者還丹大藥鉛生癸後鉛生則
採之金逢望遠則不堪嘗惟於五千四十八日癸水初潮之
後斟酌用功擒住首經至寶乃爲上上癸生爲十四癸盡爲
十五一片陽光正此時也以人身言無非大靜中之大動耳
採而吞之遂成還丹但大丹到手外鉛復生丹家必取爲溫
養之用故曰依舊西園花滿枝云云對月纔經收拾去抽鉛

道藏輯要

三丰全集

無根樹詞註解

五

續畢集十二
六百四十八

也又向朝陽補衲衣添汞也收拾之法須明月之晦朔故以
對月爲言補衣之法須用日之朝暮故以朝陽爲喻此玄家
微意也這等玄微世間罕有知者如欲知之須共得道神仙
仔細推求庶幾不謬耳

又

劉言偃月爐李言天上寶

無根樹花正開偃月爐中摘下來延年壽滅病災好結良朋備
法財從茲可成天上寶一任羣迷笑我豈勸賢才休賣乖不遇
明師莫強猜

劉註先天真靈之質無形無象無方無所從何而採以結還
丹然雖無形無象無方無所亦有花開之時當開之後恍惚

中有象杳冥內有精其精甚真其中有信法象如偃月俗工家不知古人取象之意或指爲兩腎中間或指爲眉間明堂或指爲肉團頑心更有作俑魔頭指爲婦人產門大錯大錯夫所爲偃月者偃仰之月也天上之月每月初三西南坤地黑體之下現出蛾眉之光●其光偃仰故名偃月在卦爲純陰之下微陽漸生三爲復在人爲靜極又動虛室生白天地之心萌動此心內含一點先天祖氣從黑暗之處微露端倪有象偃月之光因其這一點祖氣爲天地之根爲五行之本能以造仙佛能以作聖賢能以固性命又號爲偃月爐這個天地之心與天地合其德與日月合其明與四時合其序與

道藏輯要

三丰全集

無根樹詞註解

六

續畢集十二
八月十一

鬼神合其吉凶難逢難遇幸而偶逢時不可錯急須下手摘來謹封牢藏勿令滲漏可以延年壽可以減病災但此延年壽減病災之事非有大功大行者不能行非有大志大力者不能作必須外結良緣以修德內備法財以用誠乃能感動皇極而得天寶法財者非凡間之財乃法中之財卽專心致志真履實踐一念不回之善財上陽真人云天或有違當以法財精誠求之蓋欲求天寶須盡人事人事不盡是無法財無法財而妄想天寶難矣欲求天寶者可不先備法財乎天寶非別物卽真靈煉成之金丹亦卽天地之心復全之還丹曰真靈曰天地之心者以未脩煉言也曰天寶曰金丹者以

脩煉成熟言也天寶旣得萬有皆空根塵俱化入於不識不知無人無我之境一任羣迷笑我歎矣這個歎事須要明師口傳心授非可強猜而知仙翁云勸賢才休賣乖不遇明師莫強猜其提醒後人者多矣

李解開言玉蕊初生也偃月爐在人身中無定所亦無定時因其陽氣初動靜中有光故以晦極生明之新月比之此月在天有庚方有初三皆有時地可指若在人身則現處卽庚方現時卽初三不可預定也偃月何形劉圖是也☉偃兼仰言九分黑一分白黑中見白陽氣初生故現白光於上而爲偃月今人所言者有如此形☉是仰月非偃月也何以云摘

道藏輯要

三丰全集

無根樹詞註解

七

續畢集十一

下來乎其言摘下來者以其氣在空中也丹家見此一線白光亦不可輕起河車惟宜以淡泊之神沖和之意從氣生處採之故曰偃月爐中摘下來神氣相合之際俄而陽光大現有如十五圓形☉是爲中秋月是爲氣足潮生方行驅之黃道送之黃庭由是則年壽可延病災可滅矣良朋法財者同心好道之士肯出善財爲人護法助人成道者也悟元修真辨及此章註解仍以發財爲身中之物此蓋矯貪之論也平心言之法財有二一內法財眞金也一外法財假寶也借假修真確不可少但不宜格外貪取耳至於天寶煉成裝憨賣癡抱璞懷玉羣迷笑我爲歎子俱可一概任之矣然煉天寶者

豈易言哉非遇明師不知也

又劉言還丹成熟李言還丹入山

無根樹花正圓結果收成滋味全如朱橘似彈丸護守隄防莫放閒學些草木收頭法復命歸根返本原選靈地結道菴會合先天了大還

劉註眞靈之寶去者復來舊者仍新無傷無損依然本來原物是花之圓也圓之云者言其結果收成滋味全也夫金丹成就五行攢簇四象和合仁義禮智信混成一理精神魂魄意歸於一氣更得符火烹煎成熟化爲純陽之物活活潑潑其赤如朱橘其圓如彈丸當斯時也守護隄防十二時中不

道藏輯要

三丰全集

無根樹詞註解

六

續畢集十一
大古又川

得放閒韜光養晦學些草木收頭之法復命歸根返於本源以待靜極又動會合先天以了大還丹之事此言還丹成就再追大丹之功也蓋還丹只完的當年本有原物乃超凡之事呂祖所謂三鉛只得一鉛就金葉仙芽未現形者是也大丹是從還丹又做向上事業乃入聖之事呂祖所謂再安爐重立鼎跨虎乘龍離凡景者是也若只修還丹不再造大丹只了得初乘之道不過是一個完全人耳焉能入於聖人之域哉所謂選靈地結道菴者非外之靈地道菴乃內之靈地道菴修道至於歸根復命還丹事畢溫之養之神氣充足則丹靈矣是謂靈丹從此靈地再安爐重立鼎是謂結道菴曰